

حافظه كلام من وهم خيالك مش فاهماه

أي كلام يخطر على بالك تيجي قايله

عارفه إن أنا وبكل مشاعري كنت باريدك

كنتِ القلب النابض ليا وكنت وريدك

كنت أتمنى تفضلي جنبى إيدي بإيدك

كنتِ الحزن الدافئ ف بردي

وكنت ف صيفك وسنين حرّك بابقى جليدك

كنت وكنت وكنت وكنت

كنت الماضي وحاضر بكره

وكنت مهاجره ولسه مهاجره لساكي فاكراه

.....

أمي

أمي يعني الإبتسامه ألف سكه ف ميت سلامه

تدعي ليا وحاسه بيا حتى من غير ماأجي ابوح

أمي صفاية الجروح ياجنة خلدي في الدنيا وباب مفتوح

يارزق كبير بيتوسع منين ماباروح يانبض الروح

أمي ليا معنى نفسي وف عينيا سامعه حسي

وف إيديها بارمي يآسي أمي بكره وبرضه بعدو

أمي هيّ كل أمسي أمي ياشطوط الأمان

بحر فايض بالحنان تحت رجلك الجنان

أمي يافرحة سنيني جوا قلبي ونن عيني

ياأمّا ف بعاذك أنيني

جوا قلبك وسط حزنك داب حنيني إرضي عني

أو عى ياأمّا تمشي قبلي وتسيبيني

.....